

Home > BERNART DE VENTADORN > EDIZIONE > Quan vei la flor, l'erba vert e la foilla > Tradizione manoscritta > CANZONIERE K > Edizione diplomatica

Edizione diplomatica

	Bernartz de uentadorn. QAn uei la flor lerba uert ela fuoilla. Et aug lo chan del au- zel pel boscaie. Ab lau- tre ioi queu ai emo(n) coraie. Dobla mos iois em nais em cr- eis em broilla. Qe noms uis qe ren- puosca ualer. Sel que no uol ioi eamor auer. Que tot qua(n)t es salegre sesbaudeia. Ia no(n) creatz queu de ioi mi recreia. Nim lais damar per dan cauer ensoillia. Quieu no(n) ai ges empoder quieu men tuoilla. Ca- mors ma saill quem sobrem seingnoreia. Em fai ma mar qual queil platz euoler. E sieu am so que nom deu escazer. Forsa da- mor mi fai far uassalaie.
--	--

 Image not found https://letteraturaeuropea.let.uniroma1.it/.../styles/330_px/public/K%20%283%29_19.jpeg&itok=Ye9eE2pg	Nasen amor non a hom seingnoraie. Equi li qier uila(na)men dompneia. Camors non uol ren qe esser non deia. Paubres erics fai amdos dun paraie. Qa(n)lus amics uol lautre uil tener. Pauc pot lamors ab orguoill romaner. Corguoills dechai efinamors cabduoilla.
	Eu sec sella qe plus uas mi sorguoilla. Esellam fui quem fon de bel estaie. Qanc puois non ui ne mi ne mon messaie. Per ques mal salu qe ia dompna ma cuoilla. Mas dreg len fas qeu men fas fol parer. Car per cella quem torne no(n) caler. Estauc aitan delleis que no(n) la ueia.
	Mas costum es que fols toste(m)ps folleia. Eia non er q(ue)l eis lora(m) no(n) cuoilla. Quel bat el fer per cai raison qem duoilla. Car anc mi pres dauitru amor enueia. Mas fe qeu dei lei emon bel uezer. Si desamor mi tornen bon esper. Iamais ues lei no(n) farai uilanaie.
	Iano maia cor felon ni saluaie. Ni contra mi maluatx (con)seill no(n) creia. Quieu soi sos hom liges onque(m) esteia. Si que del cap de sus lire mo(n)gaie. Mans mans iontans li uenc ason plazer. Et ia no(m)uoilla mais de sos pes mouer. Tro per merce(m)meta lai os despuoilla.
	Laiga del cor camdos los oillz mi moilla. Mes ben guirenz queu penet mo(n) damaie. Econosc be(n) qe ai dic gran follatie. Car ai dig so que so amor mi tuoilla. Puois meu no(n) son et il ma en poder. Mais pert ella q(ue)u el meu dechazer. Per soler gen sab son home plaideia.
	Ton messagier man amon bel uezer. Que sill que ma tolt lo sen el saber. Mi tol midons elei que no(n) la ueia.

- letto 459 volte